

Paquet, wou et drëm geet, d'Energieprimm ze verdräfache fir grad déi Leit, déi et néideg hunn, wou mer och do méi wäit eropgi mat deem Projet, fir d'Energieprimm eropzesetzen. Do gi mer souguer nach d'Basis vun de Leit, déi se kréien, méi breet maachen an – den Här Hahn wäert och nach dozou schwätze bei engem Projet duerno – et wäert och nach automatiséiert ginn. Dat heescht, et muss ee se mol net méi ufroen!

Dat heescht, hei hu mer grad e ganze Paquet gemaach, fir op där enger Säit de Phasing-out ze maachen, op där anerer Säit awer och mat der Energieprimm nach ze kucken, dass grad déi, déi et am néidegsten hunn, nach vill méi kennen ennerstëtzt ginn och nach méi breet ennerstëtzt ginn, an dat och nach automatesch kréien. Et gesäit een also, dass hei e gesamte Paquet gesat ginn ass.

Just zu deene déi Froen, wou gesot ginn ass: „Mir hu bis an d'Mittelschicht ...“ Ech weess net méi, vu wou dat komm ass. Ma och do sinn Upassunge gemaach ginn, fir steierlech Entlaaschtunge bei de Leit ze maachen: dëst Joer véier Indexranchen, op den 1. Januar 2025 zwou an eng hallef Indexranchen, fir eebe grad do och nach eng Kéier ...

(Interruption par M. Marc Goergen)

Jo, dach, et ass eng Erliichterung! Et ass méi am Portefeuille duerno, wéi wann näischt gemaach gi wier.

M. Marc Goergen (Piraten) | Et ass eng Neutraliséierung, keng Erliichterung!

(Interruption)

M. Lex Delles, Ministre de l'Économie, des PME, de l'Énergie et du Tourisme | Et ass méi am Portefeuille, wéi wann näischt gemaach gi wier. Här Goergen, dat kënnt Der mer net falschmaachen. Dofir ass et ...

(Interruption)

M. Marc Goergen (Piraten) | Et ass eng Zousazsteuer erhuewe ginn um Index.

M. Lex Delles, Ministre de l'Économie, des PME, de l'Énergie et du Tourisme | Hei, Dir kënnt ganz gär duerno Froe stellen. Well Dir maacht de Mikro un, fir dass Äre Kommentar duerno gelauschert gëtt an ech Iech net richtig verstinn.

(Hilarité)

M. Claude Wiseler, Président | Den Här Minister huet eleng d'Wuert.

M. Lex Delles, Ministre de l'Économie, des PME, de l'Énergie et du Tourisme | Merci.

Ech mengen, dass et eebe grad wichteg ass, dass mer och hei deenen hëllefen, déi et brauchen, mat all deene verschiddene Voleten, op där anerer Säit mer awer kucken ... Also, do schwätze mer vun dem Mindestloun, dee steierfräi ass, do schwätze mer vun dem Crédit d'impôt monoparental, deen op den 1. Januar eropgesat gëtt, vun der Energieprimm, déi ugepasst gëtt, mir schwätze vum ECI (ndlr: Équivalent crédit d'impôt), deen och perenniséiert gëtt vun dëser Regierung – also e ganze Paquet, deen hei gemaach gëtt! A parallell dozou och nach eng Kéier de Phasing-out. An ech si mer sécher, dass de Phasing-out dee richtige Wee ass, fir heihinner ze kommen.

Ech soen Iech Merci.

Plusieurs voix | Très bien!

M. Claude Wiseler, Président | Merci, Här Minister. Domat wär d'Diskussioun iwwert dës Motioun dann ofgeschloss.

Da géinge mer zum Vott kommen.

Vote sur la motion

Ech maachen de Vott op. De Quorum ass erreecht. Vote par procuration. An de Vott ass ofgeschloss.

D'Resultat vum Vott ass: Jo: 21, Nee: 35, Abstention: 4. Dës Motioun ass also mat 35 Nee-Stëmme géint 21 Jo-Stëmme bei 4 Abstentionen ofgeleent.

Ont voté oui : M. Dan Biancalana (par Mme Claire Delcourt), Mmes Taina Bofferding, Liz Braz, Francine Closener, M. Yves Cruchten, Mme Claire Delcourt, MM. Mars Di Bartolomeo, Georges Engel, Franz Fayot, Claude Haagen, Mme Paulette Lenert et M. Ben Polidori ;

MM. Jeff Engelen, Dan Hardy, Fred Keup, Mme Alexandra Schoos et M. Tom Weidig ;

MM. Sven Clement et Marc Goergen ;

MM. Marc Baum et David Wagner.

Ont voté non : Mmes Diane Aehm, Nancy Arendt épouse Kemp, MM. Maurice Bauer, Jeff Boonen, Alex Donnersbach, Emile Eicher (par M. Laurent Mosar), Félix Eischen, Paul Galles, Mme Françoise Kemp, MM. Marc Lies (par Mme Françoise Kemp), Ricardo Marques (par Mme Stéphanie Weydert), Mmes Octavie Modert, Nathalie Morgenthaler, MM. Laurent Mosar, Jean-Paul Schaaf (par Mme Nathalie Morgenthaler), Marc Spautz, Charles Weiler, Mme Stéphanie Weydert, MM. Claude Wiseler, Michel Wolter (par Mme Nancy Arendt épouse Kemp) et Laurent Zeimet ;

Mme Barbara Agostino, MM. Guy Arendt, André Bauler, Gilles Baum, Mmes Simone Beissel, Corinne Cahen (par M. André Bauler), MM. Luc Emering, Fernand Etgen, Patrick Goldschmidt (par M. Guy Arendt), Gusti Graas, Mmes Carole Hartmann, Mandy Minella, Lydie Polfer (par Mme Barbara Agostino) et M. Gérard Schockmel.

Se sont abstenus : Mme Djuna Bernard, M. Meris Sehovic (par Mme Djuna Bernard), Mmes Sam Tanson et Joëlle Welfring.

11. 8428 – Projet de loi relatif au financement de la contribution négative dans le cadre du mécanisme de compensation pour l'année 2025

Da komme mer zum nächste Punkt vun eise Ordre du jour, dem Projet de loi 8428 iwwert d'effentlech Finanzéierung vun de Käschte vun den Energiepräisser am Kader vum Kompensatiounsmechanismus fir d'Joer 2025. D'Riedezäit ass nom Basismodell festgeluecht. Deemno huet de Rapporteur 10 Minuten, all Fraktioun a Sensibilitéit 5 Minuten an d'Regierung 10 Minuten. Et hu sech schonn ageschriwwen: den Här Jeff Boonen, den Här Georges Engel, den Här Fred Keup, d'Madamm Joëlle Welfring, den Här Sven Clement an den Här David Wagner. An d'Wuert huet elo d'Rapportrice vum Projet de loi, déi honorabel Madamm Carole Hartmann. Madamm Hartmann.

Rapport de la Commission de l'Économie, des PME, de l'Énergie, de l'Espace et du Tourisme

Mme Carole Hartmann (DP), rapportrice | Merci, Här President. Léif Kolleginnen a Kollegen, de Projet de loi 8428 schaaft eng legal Basis, fir d'Kontributione vum Staat am Kader vum Energiepräisdeckel zum Deel ze verlängeren. Dat Ganzt leeft iwwert de Mécanisme de compensation, sou wéi et scho virun zwee Joer bei de successive Solidaritéitspäck decidéiert gouf.

Et geet heibäi ëm Persounen, déi e Stroumverbrauch vu bis zu 25.000 Kilowattstonnen am Joer hunn an domat Clienten aus der Kategorie A sinn. Fir eng massiv Hausse bei den Energiepräisser ze vermeiden, fir de Pouvoir d'achat vun de Leit ze stäerken a

fir och d'Auswirkungen op d'Inflatioun esou gutt et geet ze limitéieren, goufe mat der Tripartitt am September 2022 eng Rei Mesüeren, dont eng Deckelung vum Stroumpräis, am Kader vun de Solidaritéitspäck decidéiert.

Dës Deckelung ass iwwer eng negativ Kontribution vum Staat am Kader vum Mécanisme de compensation finanzéiert ginn. De Präisdeckel huet 2023 eng éischte Kéier gegräff an ass finalement op d'Joer 2024 verlängert ginn.

De Constat beim aktuelle Projet de loi ass deen, dass, wann nom 31. Dezember 2024 keng Stabilisationsmesüre beim Stroumpräis geholl géinge ginn, d'Präisser fir d'Leit aus der Kategorie A op ee Sprong ëm ongeféier 60 % an d'Luucht klamme géingen. Dat wär net nëmmen eng considerabel Hausse fir d'Stéit, mee hätt och en negativen Impakt op d'Förderung vun der Dekarbonisatioun, notament d'Wärmepumpen an d'Elektromobilitéit.

Fir d'PräisHausse beim Stroum ofzefiederen an och fir eis ambitiéis Ziler vum Nationalen Energie- a Klimaplang laangfristeg ze verwierklechen, gouf dohier eng ofgeännert Limitéierung vum Stroumpräis vun der Regierung decidéiert. Iwwert de Kompensatiounsmechanismus soll d'Hausse bei de Präisser op 30 % begrenzt ginn an eng Stabiliséierung vum Stroumpräis kommen. D'Inzidenz op d'Inflatioun wier laut Statec nach just bei minus 0,5 Prozentpunkte géint plus 1 Prozentpunkt ouni dës Mesür.

D'Limitatioun vum Stroumpräis op e Plus vun 30 % amplaz bis zu 60 % verlaangt en zousätzleche Bäitrag an de Kompensatiounsmechanismus, deen iwwert dësse Projet de loi vu regulär 75 Milliounen op e maximale Montant vun 171 Milliounen Euro kann eropgoen. Well d'Augmentatioun bei méi wéi 60 Milliounen Euro läit, brauche mir dës Finanzéierungsgezet, wat elo gläich zum Vott steet.

Nach e puer Wuert zu den Avisen, déi zu dësem Projet de loi erakomm sinn: Fir d'Chambre des Fonctionnaires et Employés publics hätt ee kënne méi wäit goe wéi déi 30 %, op déi d'Hausse vun de Stroumpräisser limitéiert gouf. Et sollt een an hiren Aen d'Entwécklung bei de Präisser just am A behalen an de Fall gesat intervenéieren. D'Chambre des Fonctionnaires hat och bedauert, dass dësse Projet explizitt eleng d'Stroumpräisser géif betreffen. Dozou war och an der Kommissioun d'Fro opgeworf ginn, wéi et mat de Reseauskäschte wär. An op Nofro an der Kommissioun hat de Minister preziséiert, dass net nëmmen d'Energiekäschte selwer, mee och d'Reseauskäschtchen iwwert dësse Projet de loi couvréiert sinn.

D'Chambre des Salariés hat an hirem Avis geschriwwen, dass de Plaffong vun 30 % Hausse vun de Stroumpräisser net géif duergoen. Si huet hirersäits och e puer Berechnunge gemaach a fir sech d'Konklusioun gezunn, dass de Staat d'Käschtchen hätt kënnen integral iwwerhuelen, ouni de Staatsbudget ze vill ze impaktéieren.

D'Chambre de Commerce huet de progressive Phasing-out vum Energiepräisdeckel hirersäits begreist.

An ofschléissend: De Staatsrot hat zu dësem Projet de loi keng Bemerkungen um Fong.

Fir den Detail vun dësem Projet de loi verweisen ech op mäi schrëftleche Rapport. Ech soen Iech Merci fir d'Nolauschteren a ginn och schonn den Accord vun der DP-Fraktioun.

Une voix | Très bien!

M. Claude Wiseler, Président | Merci, Madamm Hartmann.

Den éischten ageschriwwene Riedner ass den Här Jeff Boonen. Här Boonen, Dir hutt d'Wuert.

Discussion générale

M. Jeff Boonen (CSV) | Merci, Här President. D'Rapportrice ass elo op d'Detailer vum Projet agaang, a mir hunn am viregte Punkt schonn driwwer geschwat. Mat dësem Text gëtt en Deel vum Stroumpräis d'nächst Joer kompenséiert, soudass de Präis maximal 30 % fir d'Menagë klëmmt. Wa mir näischt géinge maachen, géing de Präis ëm 60 % klammen.

Déi lescht dräi Joer huet e komplette Präisdeckel derfir gesuergt, dass de private Konsument d'Kris net gespuert huet. Dobäi war de Präis um Marché heiansdo véiermol méi héich wéi virun der Kris. A fir dat emol mat Zuelen ze soen: Ouni dëse Präisdeckel huet en duerchschnittleche Stot bei 4.000 Kilowatt 2024 1.450 Euro Stroum misse bezuelen. Duerch d'Hëllef waren et just 900 Euro.

Mee dës Hëllef vum Präis sollen awer an der Zäit limitéiert sinn, well soss de Maart- an de Präiseffekt net richteg funktionéieren. An dofir ass et och wichtig, dass een elo erausklëmmt – oder e Phasing-out mécht, wéi mer et och nach nennen – an net méi 100 % kompenséiert.

D'Präisser um Marché sinn um Falen, an d'Regierung suergt elo mat enger negativer Kompensatioun fir 2025 derfir, dass en eebe maximal 30 % klëmmt. Dat heescht da fir dee Menage vu 4.000 Kilowatt, dass en 1.100 Euro Stroum ze bezuelen huet an net 1.400 Euro. Domat hu mir déi niddregste Stroumkäschten hei an der Groussregioun an och an Europa. Zu Tréier géif dee selwechte Stot 1.900 Euro bezuele fir säi Stroum.

A jo, mir hunn e Logementsproblem – ech sinn och domat d'accord –, mee Energiepolitik ass awer net gläich Logementspolitik. Mir mussen an der Energiepolitik awer déi Mesüeren huelen, déi eis erlaben, déi Energietransitioun ze maachen. An an der Logementspolitik musse mer selbstverständlech derfir suergen, dass de Logement ze bezuelen ass.

An dat Ganzt gëtt jo kompenséiert bis 25.000 Kilowatt. An dobäi muss ee wëssen: Mat 25.000 Kilowatt kann ee méi wéi zwee Elektroautoe lueden an och nach eng Wärmepompe bedriewen.

D'EU-Kommissioun seet an hirer Analys, an ech hat et och virdru scho gesot, dass am Fong geholl d'Länner sollen elo erausklammen aus deene Präisdeckelen oder aus där Ënnerstützung um Präis, well en eeben net déi Stéit erreecht, déi ee misst erreechen.

An duerfir musse mir och déi Mesüeren, déi mer hei huelen, zesumme kucke mat deene Mesüeren, déi den Här Delles virdrun annoncéiert huet am Beräich vum dem Entlastungspak, wou zum Beispill eng Energieprimm verdräifacht gëtt.

Mir begrëssen als CSV dëst selektiivt Virgoen. Et ass esou, wéi een eng sozial begleeten Energietransitioun mécht. An et ass och esou, dass een och mat 30 % Stroumdeckel d'E-Mobilitéit net benodelegt, wéi dat ëmmer gesot gëtt. Et ass mat deem do Präis nach ëmmer méi bëlleg, den E-Auto elektresch ze lueden, wéi de Verbrenner ze tanken.

Ech kommen awer och net derlaanscht, zum Schluss eppes zu der neier Tarifikatioun vum Stroum ze soen. Hei hat den ILR virun engem Mount annoncéiert, dass an Zukunft bei der Berechnung vum den Netzkäschten der Leeschtung muss Rechnung gedroe ginn. An et ass absolut begrëssenswäert, dass een hei op de Wee vum dynameschen Tariffer geet, fir esou eng méi effizient Auslastung vum Netz ze kréien. Dat ass d'Zukunft.

Ech wëll awer profitéieren, fir de Minister ze froen, ob en eis haut oder muer de Moien an der Kommissioun

awer kéint zu deem do Punkt Ried an Äntwert stoen, well mer jo awer elo geschwënn un d'Enn vum Dezember kommen an an dat neit Joer. An do wier et awer elo interessant, an Euroen ze wëssen, wat dat heescht a punkto Tariffer.

Mir begrëssen natierlech, an d'Madamm Hartmann hat et gesot, dass d'Netzkäschten och am Präisdeckel dra sinn, an dat wäert derzou féieren, dass den normale Standardkonsument, dee vu 4.000 Kilowatt, dat net wäert spieren, dass déi Netzkäschten hei an d'Luucht ginn, wa méi gezu gëtt.

Am Resümee: e klore Jo zu dësem Projet de loi, deen d'Stroumpräiserhéijung offedert an esou e Phasing-out erméiglecht.

Merci.

Plusieurs voix | Très bien!

M. Claude Wiseler, Président | Merci, Här Boonen. Dann ass d'Wuert fir den Här Georges Engel. Här Engel.

M. Georges Engel (LSAP) | Merci, Här President. Léif Kollegeinnen a Kollegen, de Stroumpräis geet d'nächst Joer an d'Luucht par rapport zu dësem Joer. Dat wäert jiddwereen ze spiere kréien. D'Chambre des Salariés rechent an hirem Avis – ech hunn et virdru gesot –, dass de Staat genuch Suen huet, fir dat ze evitéieren, an dass de Stroumdeckel vu 60 % och bis 2026 kéint bestoe bleiwen. Effektiv spuert d'Regierung elo 54 Milliounen Euro, an dat um Réck vun de Leit a vun de kleng Betriber.

Ab 2026 gëtt nämlech domadder gerechent, dass d'Präisser dann nees erfoginn. An ab 2026, do kéint een deen Deckel dann och elo ophiewen, ouni Niewerwierkungen. Mee d'Majoritéit ass do anerer Meinung.

D'Allocation de vie chère gëtt wuel erhéicht, et gëtt och Energieprimmen – dat ass och gutt esou, dat ënnerstëtze mer och –, mee de groussen Hoken ass awer, dass déi Primmen natierlech nëmme bis op e gewëssene Montant spillen. An ab deem Montant gëtt et keng Hëllef méi. An de Montant wäert esou ëm déi 3.400 Euro Verdrängschten leien. Do sinn d'Leit net mat Zoossiss ugestréckt. Dat ass net, dass se do enorm vill Suen hunn. Ab deem dote Montant gëtt et nämlech keng Hëllef méi. An dofir mussen déi Leit alleguer méi déif an d'Täsch gräifen. Déi ganz Aarm, déi kréie gehollef – jo, dat ass och gutt, mir ënnerstëtzen dat –, mee de Middelstand gëtt hei ganz, ganz staark bei d'Lisaette gelooss.

Manner Stroumhëlfe hunn net nëmme en Impakt op d'Energieaarm, mee och en Impakt op d'Energietransitioun. An hei ass et awer och erstaunlech – an ech muss et nach eng kéier soen –, dass d'DP, déi déi Transition énergétique hei ëmmer matgedroen huet, dat heiten einfach esou duergoe léisst, well finalement ginn alleguer déi Leit, déi bis elo a Wärmepompen, an Elektroautoen investéiert hunn, duerg déi méi héich Präisser hei mat gestrooft. Also déi, déi mer gebraucht hunn, fir iwwerhaupt emol deen Incentive ze hunn, fir déi Transition énergétique do mat unzuegoen als Éischt, als First Mover, déi ginn elo hei och nach bestrooft.

Bis virun engem Joer huet d'DP dat alles hei mat ënnerstëtzt an encouragéiert. An et wonnert mech wierklech, dass duerg déi Reduktioun vun den Hëlfelech an hei vill kleng Betriber mat getraff ginn, déi also elo mat méi Energiekäschten, well de Präis fir jiddweree vun der Deckelung vu 60 % op 30 % erfogee, och hei méi schwéier getraff ginn.

Aner Hëllef gi ganz ofgeschafft an déi heite ginn halbéiert. Et gëtt ëmmer nees widderholl, dass déi

fossil Energie méi onattraktiv wéi déi erneierbar solle sinn. Et wier hei e gutt Zeeche gewiescht, d'Stroumpräisser trotzdeem méi ze schützen, fir d'Transitioun nach méi attraktiv ze maachen.

An duerfir soll een elo hei net mat dësem Projet hei erausgoen, wéi wann een hei dee grouesse Retter wär, deen elo derfir géif suergen, dass d'Präisser just nach ëm 30 % amplatz ëm 60 % wäerte klammen, well dat ass awer lichter Sand an d'Ae gestreet. Ech hunn haut en interessanten Artikel vum Här Boonen gelies, deen natierlech scho gutt dat preparéiert huet, wat haut an der Chamber soll gestëmmt ginn, mee et ass awer och Sand an d'Ae gestreet.

Well wat hei um Terrain geschitt, dass ass eng Kierzung ëm d'Hallschent vun den Hëlfelech bei der Energie, beim Stroum, an anerer gi souguer ganz ofgeschafft. Dat geschitt hei. Bei Gambia waren dat 100 %. Bei CSV/DP ass et nach just 50 %. Amplatz vum Kuch fir jiddweree gëtt et just nach e bësse Grimmen, an dat geet eis net duer. An duerfir si mir géint dëse Projet.

M. Claude Wiseler, Président | Merci, Här Engel. Dann huet den Här Fred Keup d'Wuert. Här Keup.

M. Fred Keup (ADR) | Merci, Här President. Et gëtt jo hei am Fong zwou Liesaarte vum esou enger Zort vu Projekte wéi deem heiten, wouriwwer mir 60 dann elo wäerte mussen ofstëmmen.

Dat eent ass natierlech, wann ee sech elo bezitt op déi Motioun vu virdrun, an da seet een: „Ok, hei, mir haten elo vill méi Hëlfelech an déi Hëlfelech ginn elo halbéiert a si ziele just nach beim Stroum“, da seet een natierlech: „D'Leit kréie manner.“ An ech mengen, ech hu jo scho virdru gesot, firwat mir fir déi Propositionen waren, d'Energiehëlfelech esou ze erhalten, wéi se elo waren. Dat wäert ech elo net nach eng kéier widderhuelen.

Da gëtt et awer nach déi aner Liesaart. Dat ass eeben déi: Wann et elo aktuell esou bleift, wéi et ass, da gëtt et iwwerhaupt keng Hëllef méi fir d'nächst Joer. A wa mer elo awer hei mat Jo ofstëmmen – ech weess jo net, wéi et wäert ausgoen, déi Ofstëmmung –, da wäert et awer op d'mannst just en Deel vum Stroum – leider – ginn.

A wann een dat dann esou iwwerleet an där Liesaart, dann ass een natierlech éischter gewëllt, zouzestëmmen, quitte dass ee sech méi gewënscht hätt. An aus där Iwwerleeung wäerte mer dat heiten da matstëmmen.

Merci.

M. Claude Wiseler, Président | Merci, Här Keup. Madamm Welfring.

Mme Joëlle Welfring (déi gréng) | Merci, Här President. Eent virop: De Stroum ass d'Energieform vun der Zukunft. Net, well dat grad e flotten Trend ass, mee well stroumbaséiert Techniken generell méi effizient si wéi déi Prozesser, déi op Verbrennungsprozesser berouen, a well mer als Gesellschaft mussen intelligent mat eise knappen Energiequellen ëmgoen. Dofir musse mir als Land derfir suergen, dass d'Stroumpräisser bëlleg bleiwe fir d'Leit, fir d'Entreprise fir eis Industrie an natierlech och fir d'Energietransitioun a fir de Schutz vun eisem Klima.

Dofir sinn och mir derfir, dass dee ganze Stroumpräisdeckel fir d'nächst Joer hätt misse bäibehale ginn a keng hallefhäerzeg Mesüre geholl ginn. Et wier besser fir de Leit hire Portmonni, fir kleng a mittelständesch Entreprise wéi Commercen, Horeca oder Handwerksbetriber a fir d'Inflatioun. Jo, laut Statec wär et fir eis gesamt Wirtschaft a fir den Emploi besser, dee ganzen Deckel bäizebehale. An dat

hätt zousätzlech nach derfir gesuergt, dass keng weider der Indextranchen erfalen. Dat geet virun allem op d'Käschte vun de kleng Patronen, an net nëmmen.

Mir sinn der Meenung, hei hätt d'Regierung net dierfe spueren an hätt sech dat misse leeschten. Vum Point de vue vun der Energietransitioun leeft een de Risiko, dass grad déi Leit, déi sech en Elektroauto oder eng Wärmepompe ugeschafft hunn, sech bestrooft fillen. An dat ass dat falscht Zeechen zum falschen Zäitpunkt.

Et gouf scho gesot, dass am Januar zäitgläich de Stroumpräisdeckel zur Hallschent ewechfällt, d'Netzkäschten an d'Luucht ginn a parallell d'Subsidie fir Solaranlagen an Elektromobilität erofginn: Et ass en denkbar schlechten Timing a kee positive Message. An deem Sënn reeche mir zwou Motiounen eran – wannechgelift –, ...

Motion 1

« Prix de l'électricité pour les ménages »

La Chambre des Députés,

considérant

– la directive (UE) 2019/944 relative aux règles communes pour le marché de l'électricité, qui met l'accent sur la protection des consommateurs, notamment les plus vulnérables, et qui autorise les États membres à adopter des mesures visant à garantir des prix électriques abordables et équitables ;

– l'augmentation des factures d'électricité des ménages, en raison de la réduction du plafonnement étatique des prix de l'électricité ;

– l'introduction d'une nouvelle structure des tarifs d'utilisation du réseau à partir de 2025 payée par les ménages ;

– le plan de développement du réseau national, estimant à 300 millions d'euros les investissements nécessaires pour le réseau de transport sur la période 2024-2034, afin de répondre aux besoins futurs, y compris l'intégration accrue des installations de production décentralisées utilisant des sources d'énergie renouvelables, le déploiement de solutions de stockage et l'électrification des transports ;

– que la transition énergétique nécessite des prix d'électricité abordables pour favoriser l'électrification, les technologies durables, ainsi que la compétitivité des entreprises et de l'industrie ;

– que la transition énergétique requiert une flexibilité accrue à tous les niveaux du système énergétique ;

– l'impact direct et indirect de l'augmentation des prix de l'énergie sur l'inflation et le pouvoir d'achat des citoyens,

invite le Gouvernement

– à maintenir le plafonnement du prix d'électricité à 60 % pour l'année 2025 ;

– à réaliser une évaluation de l'impact de la limitation de la hausse du prix de l'électricité à 30 % en 2025 sur l'avancement de la transition énergétique, et prévoir les moyens nécessaires pour intervenir en cas de développement ou tendance négatifs ;

– à réaliser une évaluation de l'impact de la limitation de la hausse du prix de l'électricité à 30 % en 2025 sur l'inflation et les factures d'électricité des ménages vulnérables, et prévoir une adaptation des aides sociales nécessaires pour intervenir en cas de développement ou tendance négatifs ;

– à se donner les moyens nécessaires pour assurer un accès équitable et abordable à l'électricité pour l'ensemble des citoyens et garantir la protection de tous les ménages, dont ceux investissant dans la transition énergétique, contre la hausse des prix de l'électricité ;

– à garantir une communication claire, transparente et proactive sur l'évolution des prix de l'électricité, afin

d'informer les citoyens et de les préparer à toute variation éventuelle des tarifs ;

– à investir dans des batteries de stockage à grande capacité, stratégiquement positionnées, afin d'optimiser la gestion de la charge du réseau électrique, de réduire les coûts et d'augmenter la résilience du système énergétique ;

– à garantir que les subventions étatiques et investissements futurs dans le domaine de la transition énergétique soient orientés exclusivement vers la promotion des systèmes énergétiques intelligents, en veillant à l'utilisation efficace des technologies flexibles intelligentes au service du réseau (telles que les bornes de charge, pompes à chaleur, batteries, etc.) ;

– à analyser les différents instruments tarifaires et interventions réglementaires nécessaires pour garantir un prix d'électricité abordable et compétitif pour les ménages, tout en équilibrant les besoins d'investissements futurs pour la transition énergétique.

(s.) Joëlle Welfring, Djuna Bernard, Sven Clement, Georges Engel, Meris Sehic, Sam Tanson, David Wagner.

Motion 2

« Prix de l'électricité pour l'industrie et les entreprises »

La Chambre des Députés,

considérant

– le rapport Draghi sur l'avenir de l'Europe insistant sur la nécessité de mettre en place des mécanismes permettant de réduire les coûts de l'énergie pour les industriels, incluant des aides publiques, et mettant l'accent sur un équilibre entre des solutions immédiates pour limiter les coûts actuels et des réformes structurelles visant à garantir des prix de l'électricité compétitifs à long terme ;

– l'augmentation des factures d'électricité des petites et moyennes entreprises (PME) ayant une consommation d'électricité inférieure à 25.000 kWh/an, en raison de la réduction du plafonnement étatique des prix de l'électricité et de l'introduction d'une nouvelle structure tarifaire pour l'utilisation du réseau basse tension à partir de 2025 ;

– la réforme des tarifs d'utilisation de réseaux du prix de l'électricité pour la moyenne et haute tension prévue pour 2026 ;

– que la transition énergétique nécessite de la prévisibilité et des prix d'électricité abordables pour favoriser l'électrification, les technologies durables, la compétitivité et les processus de décarbonation des entreprises et de l'industrie ;

– que la transition énergétique requiert une flexibilité accrue à tous les niveaux du système énergétique,

invite le Gouvernement

– à réaliser une évaluation de l'impact de la limitation de la hausse du prix de l'électricité à 30 % en 2025 pour les petites et moyennes entreprises (PME), et prévoir les moyens nécessaires pour intervenir en cas de développement ou tendance négatifs ;

– à garantir une communication claire, transparente et proactive sur l'évolution des prix de l'électricité envers les entreprises et l'industrie, et de les préparer à toute variation éventuelle des tarifs ;

– à intensifier les mesures financières ciblées destinées aux entreprises, avant tout l'industrie, où l'électricité joue un rôle clé dans la décarbonation, en particulier lors de la transition des processus industriels à forte consommation d'énergie, passant des énergies fossiles à l'électrification ;

– à analyser la mise en place d'un dispositif de régulation des prix de l'électricité pour les industries et les grandes entreprises, afin de limiter les hausses tarifaires, qui peuvent nuire à leur compétitivité et à leurs investissements à long terme.

(s.) Joëlle Welfring, Djuna Bernard, Sven Clement, Franz Fayot, Meris Sehic, Sam Tanson.

M. Claude Wiseler, Président | Merci.

Mme Joëlle Welfring (déi gréng) | ... an deene mir engersäits d'Weiderfëiere vum Stroumpräisdeckel, sou wéi virdru gesot, an dee Phasing-out ëm e Joer méi spët fuerderen an d'Regierung froen, sech e Mechanismus ze ginn, fir laangfristeg derfir ze suergen, dass d'Stroumpräisser niddreg bleiwen. Zousätzlech soll d'Evolution vum Impakt vum hallwe Stroumpräisdeckel observéiert ginn, fir dass d'Regierung am Fall vun negativen Entwécklungen, grad bei de Stéit mat niddregem Akommes, an awer och bei der Transitioun, schnell reagéiere kann, sief et a Form vun engem méi héijen Deckel oder vum Erhéije vun Aiden zum Beispill.

An enger zweeter Motioun, déi méi d'Betribler betrëfft, froe mir, fir den Impakt vum hallwe Stroumpräisdeckel op déi kleng a mëttelstännesch Betribler ze bewäerten a fir déi grouss Entreprises an d'Industrie an Zukunft viru volatile Stroumpräisser ze schützen, fir hir Planungssécherheet ze suergen a fir hir Dekarboniséierungsprozesser an hir Kompetitivitéit méi staark ze fërderen. Zousätzlech soll d'Regierung kucken, sech en Dispositif ze ginn, fir de Stroumpräis bei der Industrie niddreg a laangfristeg stabil ze halen – ech hat virdrun d'Madamm Hartmann esou verstanen, wéi wann dat och virgesi wär, dofir géing et mech interesséieren, wat dat da wier –, an dat och am Aklang mat enger laangfristeger Strategie.

Merci fir d'Nolauschteren.

Plusieurs voix | Très bien!

M. Claude Wiseler, Président | Merci, Madamm Welfring. An deen nächsten ageschriwwene Riedner ass den Här Sven Clement. Här Clement.

M. Sven Clement (Piraten) | Merci, Här President. Léif Kolleeginnen a Kolleegen, als Éischt héiert een: „D'Präisser falen“, an dann direkt am nächste Saz: „D'Präisser wäerte klammen.“ Am Projet de loi schwätze mer vun enger potenzieller Croissance vu 60 % dee Moment, wou en deposéiert gëtt, an zwee Deeg drop schéckt de gréissten Energiefournisseur hei zu Lëtzebuerg Courrieren un all d'Menagen, wou e seet: „D'Präisser ginn erof.“ Also, d'Kommunikatioun ronderëm deen heiten Dossier ...

(Interruption par M. Mars Di Bartolomeo)

... war alles anescht wéi optimal. Den Här Di Bartolomeo nennt eng Katastroph. Ech kann Tech do Recht ginn.

(Brouhaha)

Et ass eng Katastroph! Et kann een net op där enger Säit de Leit Angscht maachen: „60 %, a kuckt, wat mir elo Guddes maachen. Et ginn nëmmen 30 %“, wann op där anerer Säit de Fournisseur seet: „Et sinn der awer ... Vläicht gëtt et manner“, oder: „Esou ganz genau weess keen et.“

Ech mengen, dat Hin an Hier ... A jiddweree vun eis huet et matkritt. D'Leit hunn eis gefrot: „Mee wat ass dann elo? Gëtt et méi deier? Gëtt et manner deier?“ Mir kréien e Bréif. D'Regierung seet eppes aneres.“ An an der Chamber, do hu mer probéiert, et ze elaboréieren, mee mir wossten et jo och net, well Dir hutt et och eis net an där Kloerheet kommunizéiert. An ech mengen, datt domadder ganz kloer ass, datt d'Kommunikatioun an deem heiten Dossier mol den éischte grouss Problem ass.

(Interruption)

An dann dat Zweet hei: Virdrun hu mer dovunner geschwat, et misst ee méi sozial cibléiert Mesure

maachen. Ech mengen, dat gouf virdru vun der Regierungsbänk hei gesot. A genau bei deem heite Projet gëtt dann erëm gesot: „Jo, mee mat 25.000 Kilowattstonnen ass jo u sech jiddwereen ofgedeckt. Do maache mer da keng sozial cibléiert Mesür draus bei de Menagen.“ Dat, wat een an der leschter Ried héieren huet, ass awer kontradiktoresch zu deem, wat een an dëser Ried héieren huet. Et ass e bëssen d'Gefill: A soen, B maachen an C denken, héchstwarscheinlech.

(Exclamations et interruptions)

A wann een d'Motioun virdru gestëmmt hätt, majo da géif de Stroum net méi deier ginn. Elo gëtt de Stroum méi deier. An dat ass e bewosste politesche Choix vun der Regierung.

A grad déi, déi hir eege Suen an de Grapp geholl hunn, fir d'Energietransitioun ze erméiglechen, fir eis Klimaziler ze errechen, fir datt mer am PNEC eenegermoosse gutt dostinn, déi ginn am stäerkste getraff. An déi, déi d'Transitioun schonn ëmmer fir Quatsch gehalen hunn an der Meenung waren, datt mer u sech dee ganze Klima do net bräichten an net missten driwwer nodenken – se setzen hei meeschtens op menger Lénker Säit –, ma déi fille sech elo och nach confirméiert vun der Politik vun der Regierung! An och dat ass schlecht Kommunikatioun: op där enger Säit soen: „Mir wëllen, datt d'Energietransitioun stattfënnt. Mir wëllen dat begleeden“, an op där anerer Säit: „Jo, da gi mer all deene Recht, déi dat fir Quatsch halen.“

Also stellt sech d'Fro: Wat maache mat deem heite Projet? Ech mengen, et ass relativ kloer, datt dat heiten net d'Präisser erofsetzt, well de Stroum gëtt méi deier. Dat Eenzegt, wat et ass, ass eng Brems, eng schlecht wirkend Brems a warscheinlech och nach eng Brems, déi zu Aquaplaning wäert féieren. Mee et ass alt weinstens eng Brems. An dofir kann een deem dann och zoustëmmen. Mee et muss een awer éierlech sinn: De Stroum gëtt och mat deem heite Projet 30 % méi deier.

Merci.

M. Claude Wiseler, Président | Merci, Här Clement. An dann ass d'Wuert fir den Här Wagner. Här Wagner.

M. David Wagner (déi Lénk) | Merci, Här President. Bon, mir wäerten natierlech géint dëse Projet de loi stëmmen. Ech mengen, dat wier jo och kohärent an et mécht och Sënn.

(Hilarité)

M. Claude Wiseler, Président | Sou, loosst Iech net duerjereebréngen, Här Wagner.

M. David Wagner (déi Lénk) | Ech hu mer vill Notte geholl, well virdru hu mer iwwer eis Motioun diskutéiert an do sinn och vill Argumenter bruecht ginn. Ech versichen, mer eng Partie Notten ze huelen, well ech hunn den Androck, et gëtt e bëssen ... Et ass relativ einfach esou gesot ginn, datt mer elo souwisou erëm op enger Schinn wäeren, wou d'Präisser einfach esou generell géifen eroffalen, wou awer eng Partie Facteure guer net an déi selwecht Richtung ginn. Wann een zum Beispill de Präis kuckt op der wichtegster Gashandelsplattform Gas Hub TTF zu Rotterdam, ass deen elo zurzäit bal op 50 Euro de Megawatt, wann ee bedenkt, datt mer am Juni bei ongeféier 28 Euro de Megawatt waren. Et gouf och gesot: „Bon, fréier war de Masutt op 60 Euro. Elo ass en op 80 Euro.“ Dann hu mer awer trotzdem eng Erhéijung.

Duerno, och wat de Käschtepunkt ugeet, schonn nëmmen, wat d'Elektresch ugeet: D'Chambre des Salariés rechnet aus, datt dat de Staat zum Beispill

64 Milliounen kascht, mee wann een natierlech nach déi aner Hëllefenden derbärechent, si mer op engem beträchtliche Käschtepunkt, deen awer an eisen Ae complètement drobar ass, virausgesat, déi heite Regierung géif op aner Steierkaddoen, notament fir d'Betriber, verzichten. Ech erënneren drun, datt d'Kierperschaftssteier, déi erofgesat gëtt ëm 1 %, deemno wéi een et rechnet, de Staat bis zu 150, voire 200 Milliounen Euro kaschte kéint. An dann hunn ech nach net vun anere Steierkaddoe geschwat. Dat heescht, dat doten ass u sech eng falsch Diskussioun.

Energiespueren: Bon, d'Stéit maachen u sech 15 % aus an d'Industrie 85 %. Dat heescht, et ass jo awer och elo e bësse problematesch, erëm eng Kéier d'Fro vum Energiespueren op d'Menagen ofzewälzen. Selbstverständlech si mer awer och trotzdeem der Meenung, datt och alles muss gemaach ginn, an ech mengen, d'Biergerinnen an d'Bierger wëllen dat jo och. Si wëllen och, wann et méiglech ass, Energie spueren. Mir si just der Meenung, datt et net esou wäit soll kommen, datt een duerch de Konsum vun Energie veraarmt. Mir haten an deene leschten zéng Joer eng Regierung, déi och d'Méiglechkeet hat, Alternativen auszeschaffen. Dat ass leider net geschitt. Well da kéint een iwwer aner Punkten diskutéieren. Elo mussen d'Leit nach weiderhi Gas a Masutt, fossil Energie benotzen.

Mir waren och ëmmer der Meenung, datt een déi Präisser muss staffelen. Dat soe mer beim Waasser, mee dat soe mer och bei der Energie, well mir wëlle justement, datt et engersäits sozial bleift an datt anerersäits den ekologeschen Aspect soll bäibehale ginn. Dofir hu mir ni einfach esou pauschal gesot: „Mir sinn der Meenung, datt et keng Hëllef beim Gas oder beim Masutt soll ginn“, mee mir waren ëmmer fir eng Stafflung. Dat heiten – dat hunn ech och virdru gesot bei der Motioun –, dee Präisdeckel, dat ass net déi beschte Léisung. Et misst een aner Alternativen hunn. Et misst een eng Stafflung hunn. Et misst een och eng ëffentlech Renovatioun hu vun de Gebaier. Dat ass net dat, wat déi heite Regierung mécht. Dat ass och net dat, wat déi viereg Regierung wollt maachen. Ça va au compte-gouttes et cetera, et cetera. Et misst een Alternativen hunn. Déi hu mer zurzäit net, a mir sinn dofir der Meenung, datt mer awer schlussendlech déi Hëllef sollen ee Joer laang weiderféieren.

D'Chambre des Salariés huet awer trotzdem berechent, datt et en moyenne den duerchschnëttleche Stot tëschent 600 an 1.000 Euro kaschte wäert. An och nach grad déi, déi den Effort maachen, fir op Wärmepumpelen ëmzesteigen, déi ginn einfach erëm eng Kéier bestrooft. An et ass och net richtig ze soen: „Ok, mee da gëtt et eng Erhéijung vun der Allocation de vie chère“. Sou kann een dach keng Politik maachen, sou prinzipiell. Also, et ass wierklech problematesch, well éischstens betrëfft dat wierklech d'Leit, déi guer net méi eens ginn – si sinn net sozial schwach, mee dat si warscheinlech déi, déi am meeschten ausgebeut ginn an eiser Gesellschaft; esou muss een dat éischter ausdrécken –, mee duerno awer och d'Mëtelschichten. Déi wäerte weiderhin dorënner leiden. An et dierf een ni vergiessen, datt awer de Réckgrëff op solch Aiden humiliant ass fir d'Leit. A wann een einfach eng Politik mécht an et seet een: „O, souwisou kréien d'Leit d'Aarmegeld“ – well a Wierklechkeet ass et dat –, ass dat net seriö.

Ech soen Iech Merci.

M. Claude Wiseler, Président | Merci, Här Wagner. Domat wär d'Lëscht vun den ageschriwwene Riedner ofgeschloss.

Wann d'Regierung wëllt, hätt d'Regierung dann d'Wuert.

M. Lex Delles, Ministre de l'Économie, des PME, de l'Énergie et du Tourisme | Ech hu mäi Blat vergiess.

M. Claude Wiseler, Président | Dir kënnt et awer nach siche goen, wann Der et braucht. Dat ass vläicht méi sécher.

(Hilarité)

Mir hunn nämlech gär, datt Der op all d'Froen äntwert.

Une voix | Dir braucht awer och kee Blat virun de Mond ze huelen.

(Hilarité)

M. Claude Wiseler, Président | Voilà, d'Regierung huet d'Wuert.

Prise de position du Gouvernement

M. Lex Delles, Ministre de l'Économie, des PME, de l'Énergie et du Tourisme | Merci villmools, Här President. Merci och fir d'Verständnis. Ech mengen, et ass ganz vill gesot ginn an och schonn an der Motioun vu virdrun iwwert d'Theema vun der Brems iwwerhaapt, fir de Phase-out ze maachen, fir dass mer déi bëllegste Präisser awer och nach fir 2025 kënnen halen an dann 2026 kënnen op en normale Präis kommen.

Ech wëll just op e puer Froen agoen, déi gestallt gi sinn. Éischstens emol ass vum Här Boonen d'Fro gestallt ginn iwwert den ILR. Muer an der Kommissioun gëtt eebe grad iwwert d'Netzkäschten nach eng Kéier geschwat, fir do nach eng Kéier am Detail de Mechanismus ze erklären, wou och den ILR selwer present ass, fir do nach eng Kéier de Point ze maachen, wéi et mat de Stroumpräisser ass.

Ech wëll just hei nach Kéier ganz kuerz soen: Et gëtt och verschidde Mechanismen, wou ee kann am Kader vum Stroumpräis agéieren. De Stroumpräis ass am Fong an dräi gedeelt: éischstens den Elektron selwer, zweetens d'Netzkäschten an drëtzens d'Taxen. Bei de Steiere kënnen mer net méi erofgoen, well mer do déi déifsten hunn. Mir kënnen net méi déif an de Steiere goen. Dat heescht, op deem kënnen mer net méi erofgoen. Beim Elektron si mer op engem internationale Marché. An op d'Netzkäschten, wéi gesot, wäerte mer muer nach eng Kéier agoen.

Well wat ass déi kritesch Fro, déi sech stellt? Mir brauchen e staarkt Netz. Mir brauchen e gutt Netz. Dat hu mer och hei zu Lëtzebuerg. Dat bréngt och mat sech, dass mer en Ausbau musse maache vun deem Netz. Wa mer d'Netz ganz vill ausbauen, gëtt d'Netz méi deier. Wann d'Netz méi deier gëtt, gëtt de Stroumpräis méi deier. Dofir muss een ëmmer kucken, dass een dat am Equilibre hält, fir d'Netz esou effizient wéi méiglech kënnen ze benotzen. An dofir och déi Upassungen, wéi mer se muer an der Kommissioun wäerte beschwätzen.

Ech sinn awer ganz frou ze gesinn, dass de Spriecher vun der LSAP sech esou asetzt fir d'Betriber. Ech fannen dat wierklech gutt. Ech si ganz frou doriwwer. Mir wäerten dann och nach ...

M. Georges Engel (LSAP) | Dat hu mir nach ëmmer gemaach, Här Delles.

M. Lex Delles, Ministre de l'Économie, des PME, de l'Énergie et du Tourisme | Da sinn ech frou, dass Der dat esou ëffentlech hei sot. Ech sinn nämlech ganz frou doriwwer, well mer nämlech och nach an anere Projeten ...

(Interruption par Mme Francine Cloesener)

Jo, also, mat Iech, mengen ech ...

M. Georges Engel (LSAP) | Et ass keng Exklusivitéit vun der DP, d'Betriber.

M. Lex Delles, Ministre de l'Économie, des PME, de l'Énergie et du Tourisme | Dat hunn ech net gesot.

M. Claude Wiseler, Président | Sou, wannechgelift, Här Engel!

(Coups de cloche de la présidence)

M. Georges Engel (LSAP) | Dir maacht awer wéi wann hei.

M. Lex Delles, Ministre de l'Économie, des PME, de l'Énergie et du Tourisme | Ech sinn awer frou, dass Der Iech hei esou asetzt fir d'Betriber. Ech soe just, ech si frou, dass Der Iech asetzt. Dat ass dach schéin.

(Interruptions)

Wann dat Iech och nach opreegt, wann ech dat soen, verstinn ech et net, well Dir Iech jo nach ëmmer fir se agesat hutt.

(Interruptions)

En tout cas wëll ech Iech hei soen, dass Der Iech nach ëmmer ganz gutt fir se agesat hutt an dass et eebe grad wichteg ass.

An ech kommen dann och hei direkt op e Punkt vun der Motioun ze schwätzen: wa mer de Betriber Staatshëllefe ginn, fir d'Industrie zum Beispill, déi Hëllefe kritt huet, fir den Energiepräisdeckel ze maachen. Bei de Betriber ass eng Ouverture gemaach ginn iwwert den TCTF (ndlr: Temporary Crisis and Transition Framework) iwwer Europa, dass d'Betriber kënnen Hëllefe kréien. Deen ass awer am Juni 2024 ausgelaf, soudass d'Betriber keng Hëllefe méi kënnen kréien an der ganzer EU, soudass och do Lëtzebuerg d'Hänn gebonne sinn, fir d'Betriber nach weider ze ënnerstëtzen, fir déi Staatshëllefe kënnen ze ginn.

Ech mengen, dass awer ee ganz wichtege Volet hei nach eng Kéier ze ënnersträichen ass. Dat ass déi sozial Selektivitéit. Déi sozial Selektivitéit, wou e Paquet vu Mesüren hei nach dobäi ass, fir grad deenen ze hëllefen, déi et am néidegsten hunn. Well hei schwätze mer elo just vum Energiepräisdeckel vum Elektreschen, wou 171 Milliounen heimat an d'Hand geholl ginn, fir eebe grad déi Offiederung nach kënnen ze maachen.

An ech fannen et och ganz geféierlech an deem ganzen Discours, Angscht ze maache virun der Elektromobilitéit a virun de Wärmepumpelen. Et ass esou, dass haut en Elektroauto nach ëmmer méi bëlleg am Verbrauch an am Fueren op de Kilomeeter ass wéi e fossillen. Et ass jo net, wéi wann de Bensinn an den Diesel säit 2022 net méi deier gi wieren. De Bensinn an den Diesel si 2024 méi deier, wéi se et 2022 waren. An dofir muss een och déi Saache matenee vergläichen. Et ass haut nach ëmmer interessant, eng Wärmepumpe ze maachen, well een do méi Hëtzt aus dem Elektreschen erauskritt, wat also méi bëlleg ass, an op där anerer Säit och den Elektroauto do méi bëlleg ass. Duerfir, mengen ech, muss een dat ëmmer e bësse mat an d'Woschuel geheien, wann een déi ganz Diskussioun mécht.

En tout cas sinn ech frou iwwert déi ganz breet, wann och net komplett Zoustëmmung, fir awer trotzdem deen Deckel hei ze maachen, de Phase-out, wou Lëtzebuerg dann nach eent vun den eenzege Länner ass, fir e Phase-out kënnen ze maachen, dass mer do nach weiderhi kënnen awer mat de soziale Kritären do hëllefen, e Phase-out maachen an esou an déi richteg Richtung goen.

Ech soen Iech alleguer villmools Merci.

Plusieurs voix | Très bien!

M. Claude Wiseler, Président | Merci, Här Minister. Domat ...

(Interruption par M. Marc Baum)

Wëllt Der eng Fro stellen?

M. Marc Baum (déi Lénk) | Parole après ministre.

M. Claude Wiseler, Président | Parole après ministre, ok.

M. Marc Baum (déi Lénk) | Merci, Här President. Ech wollt just eppes richtegstellen, wat virdru gesot ginn ass vum Minister a vun der Exministesch, nämlech datt déi Lénk géint dee Mechanismus gewiescht wieren, deen en place gesat war, an datt et duerfir, esou d'Argumentatioun, inkohärent wier, wa mer elo d'Verlängerung géife froen.

Ech hu mer dee Communiqué nach eng Kéier ugekuckt. An do steet einfach dran: „les mesures du gouvernement sont insuffisantes. Pour une aide directe et simple“, a mir hunn dann eise Modell presentéiert. Dat heescht, dat, wat mir kritiséiert hunn, ass, dass dat, wat d'Virgängerregierung proposéiert huet, net duergeet. Dat hu mer kritiséiert. Dat heescht awer net, datt mer géint dee Sockel, dee se gesat huet, gewiescht wieren. An duerfir ass et och net inkohärent, datt mer elo probéieren, dee Sockel weider ze verlänger.

Merci.

M. Claude Wiseler, Président | Gutt, dat da richtiggestallt, ass elo, mengen ech, d'Diskussioun ofgeschloss.

Wann d'Diskussioun ofgeschloss ass, da géinge mer elo fir d'éischt zur Ofstëmmung vum Projet de loi kommen, dem Projet de loi 8428. An zwar steet den Text am Document parlementaire 8428^e.

Vote sur l'ensemble du projet de loi 8428 et dispense du second vote constitutionnel

D'Ofstëmme fänkt un. De Quorum ass erreecht. Vote par procuration. An de Vott ass ofgeschloss.

D'Resultat vum Vott ass: 46 Jo-Stëmmen, 14 Nee-Stëmmen. Dëse Projet de loi ass also ugehall mat 46 Jo-Stëmme géint 14 Nee-Stëmme bei kenger Abstentoun.

Ont voté oui : Mmes Diane Aehm, Nancy Arendt épouse Kemp, MM. Maurice Bauer, Jeff Boonen, Alex Donnersbach, Emile Eicher (par M. Laurent Mosar), Félix Eischen, Paul Galles, Mme Françoise Kemp, MM. Marc Lies (par M. Charles Weiler), Ricardo Marques (par M. Alex Donnersbach), Mmes Octavie Modert, Nathalie Morgenthaler, MM. Laurent Mosar, Jean-Paul Schaaf (par Mme Nathalie Morgenthaler), Marc Spautz, Charles Weiler, Mme Stéphanie Weydert, MM. Claude Wiseler, Michel Wolter (par Mme Nancy Arendt épouse Kemp) et Laurent Zeimet ;

Mme Barbara Agostino, MM. Guy Arendt, André Bauler, Gilles Baum, Mmes Simone Beissel, Corinne Cahen (par M. Gusty Graas), MM. Luc Emering, Fernand Etgen, Patrick Goldschmidt (par M. André Bauler), Gusty Graas, Mmes Carole Hartmann, Mandy Minella, Lydie Polfer (par Mme Barbara Agostino) et M. Gérard Schockmel ;

MM. Jeff Engelen, Dan Hardy, Fred Keup, Mme Alexandra Schoos et M. Tom Weidig ;

Mme Djuna Bernard, M. Meris Sehic (par Mme Djuna Bernard), Mmes Sam Tanson et Joëlle Welfring ;

MM. Sven Clement et Marc Goergen.

Ont voté non : M. Dan Biancalana (par M. Georges Engel), Mmes Taina Bofferding, Liz Braz, Francine Closener, M. Yves Cruchten, Mme Claire Delcourt, MM. Mars Di Bartolomeo, Georges Engel, Franz Fayot, Claude Haagen, Mme Paulette Lenert et M. Ben Polidori ;

MM. Marc Baum et David Wagner.

Freet d'Chamber d'Dispens vum zweete Vote constitutionnel?

(Assentiment)

Dann ass dat esou decidéiert.

Motions

An da géinge mer zu de Motiounen kommen, déi bei dësem Projet deposéiert gi sinn, der Motioun 1 an der Motioun 2 vun der Madamm Welfring.

Motion 1

Madamm Welfring, wëllt Dir nach eng Kéier Stellung dozou huelen? Dir maacht dat gär duerno, huelen ech un. Da froen ech: Wie wëll zu dëser Motioun Stellung huelen? D'Madamm Hartmann gesinn ech, den Här Boonen. Madamm Hartmann.

Mme Carole Hartmann (DP), rapportrice | Jo, merci, Här President. Ech mengen, mir kënnen eigentlech relativ séier sinn. Mir hunn elo grad e Gesetz gestëmmt, wat dann d'Kontributioun fir eng Limitatioun op eng Hausse vun 30 % vun de Stroumpreisser zrëckbehält. Duerfir kënnen mer déi éischt Motioun net matdroen, well d'Essenz dovunner déi ass, fir an dem éischte Punkt effektiv e Plafonnement op 60 % fir 2025 ze hunn. Duerfir géif ech menger Fraktioun proposéieren, dës Motioun net matzedroen.

M. Claude Wiseler, Président | Merci, Madamm Hartmann. Här Boonen.

M. Jeff Boonen (CSV) | Jo, merci. D'Argumentatioun ass änlech. Ech mengen, mir hunn elo an deenen zwee Punkte virdrun erkläert, firwat mer net derfir sinn, fir e volle Präisdeckel op dem Elektreschen ze ginn. An dofir géif ech och menger Fraktioun roden, d'Motioun net matzestëmmen.

M. Claude Wiseler, Président | Merci, Här Boonen. Här Engel.

M. Georges Engel (LSAP) | Merci, Här President. Hei an där Motioun stinn eng ganz Rei ganz interessant Consideranten an och Invitten dran, notament déi, fir de Präis dann op 60 % ze deckelen. Dat ass och fir eis eng ganz gutt Saach, gradesou wéi d'Evaluatioun ze maachen, wat d'Transition énergétique ugeet, wéi se viru soll goen an och wat d'Präisser op d'Inflatioun ausmaachen. Och dat kënnen mer 100%eg ënnerstëtzen.

Ech hunn et virdrun ugeschwat, vun der Kommunikatioun, datt déi katastrofal a miserabel wär. Och dat soll hei besser ginn, freet dës Motioun. A gradesou och: Ee vun de grouse Problemer vun der erneuerbarer Energie ass jo de Stockage vun der Energie. An och hei soll weider a „batteries de stockage à grande capacité“ investéiert ginn, fir dat ze fërderen. Och dat fanne mer gutt. An duerfir stëmme mer déi Motioun hei mat.

M. Claude Wiseler, Président | Merci, Här Engel. Si soss nach weider Wuertmeldungen zu dëser Motioun do? Dat schéngt mer net de Fall ze sinn.

Da géing ech déi éischt Motioun vun der Madamm Welfring zur Ofstëmmung stellen.

Mme Joëlle Welfring (déi gréng) | Däerf ech vläicht nach eppes soen?

M. Claude Wiseler, Président | Jo, pardon.

Mme Joëlle Welfring (déi gréng) | Merci, Här President. An ech wäert et kuerz maachen. Ech wollt just froen, wann den eenzege Point d'achoppement deen éischte Punkt ass, dass mer de Präisdeckel am léifste gäre ganz weidergefouert hätten, wa mer deen da géingen eraushuelen, wär de Rescht fir d'Majoritéit dann awer ze droen? Wëssend, dass mer ...

(Interruptions)

Dir sidd elo just op deen éischte Punkt agaangen. Mir hunn eis d'Méi gemaach, fir eis wirklech hei konstruktiv anzébréngen an déi ganz Diskussioun, fir ze kucken, wéi mer dat, wat mer elo matgestëmmt hunn, obwuel mer am léifsten eppes anescht gehat hätten, awer esou kéinten an d'Realitéit ëmsetzen, dass ee wirklech derfir suergt, dass ee sech net nëmmen eemol am Joer Gedanke mécht, mee e bësse méi oft awer kritesch bleift a kuckt, ob dat doten an déi richteg Richtung weidergeet. Dat fannen ech elo schued, dass dat elo a senger Gesamtheit einfach elo hei ofgeschmettert gëtt, well ech mengen, et kéim eis alleguer zegutt.

M. Claude Wiseler, Président | Ass eng Wuertmeldung zu där doter Remark do? D'Madamm Hartmann. D'Madamm Hartmann huet d'Wuert.

Mme Carole Hartmann (DP), rapportrice | Also, deen éischte Punkt, dee kënne mer natierlech net matdroen, dat verstitt Der, och duerch de Vott, dee mer grad geholl hunn. Fir déi reschtlech Punkte géife mir suggeréieren, et mat an d'Kommissioun ze huelen. Da schwätze mer dodriwwer. Voilà, dat wär eis Proposition, dat heescht, d'Motioun an dëser Form net matzedroen, mee d'Motioun ouni den éischten Tiret mat an d'Diskussioun an d'Kommissioun ze huelen.

M. Claude Wiseler, Président | Da muss d'Auteure vun der Proposition soen, ob se d'accord ass, fir dann deen Tiret erauszehuelen an déi ouni deen Tiret an d'Kommissioun ze renvoyéieren.

Mme Joëlle Welfring (déi gréng) | Ech denken, dass dat doten eng sënnavoll Approche ass, well et geet eis jo hei wirklech éischter ëm de Contenu an dass mer am Fong hei weiderkommen, wéi ëm d'Form. An dofir droe mer dat do mat.

M. Claude Wiseler, Président | Gutt, da brauch ech also de Vott iwwert d'Motioun net ze maachen.

Da géing ech hei d'Chamber froen, ob mer kënne main levée ofstëmmen, fir se an d'Kommissioun ze schécken, déi reduzéiert Versioun dovunner.

(Assentiment)

Motion 1 modifiée

« Prix de l'électricité pour les ménages »

La Chambre des Députés,

considérant

– la directive (UE) 2019/944 relative aux règles communes pour le marché de l'électricité, qui met l'accent sur la protection des consommateurs, notamment les plus vulnérables, et qui autorise les États membres à adopter des mesures visant à garantir des prix électriques abordables et équitables ;

– l'augmentation des factures d'électricité des ménages, en raison de la réduction du plafonnement étatique des prix de l'électricité ;

– l'introduction d'une nouvelle structure des tarifs d'utilisation du réseau à partir de 2025 payée par les ménages ;

– le plan de développement du réseau national, estimant à 300 millions d'euros les investissements nécessaires pour le réseau de transport sur la période 2024-2034, afin de répondre aux besoins futurs, y compris l'intégration accrue des installations de production décentralisées utilisant des sources d'énergie renouvelables, le déploiement de solutions de stockage et l'électrification des transports ;

– que la transition énergétique nécessite des prix d'électricité abordables pour favoriser l'électrification, les technologies durables, ainsi que la compétitivité des entreprises et de l'industrie ;

– que la transition énergétique requiert une flexibilité accrue à tous les niveaux du système énergétique ;

– l'impact direct et indirect de l'augmentation des prix de l'énergie sur l'inflation et le pouvoir d'achat des citoyens,

invite le Gouvernement

– à réaliser une évaluation de l'impact de la limitation de la hausse du prix de l'électricité à 30 % en 2025 sur l'avancement de la transition énergétique, et prévoir les moyens nécessaires pour intervenir en cas de développement ou tendance négatifs ;

– à réaliser une évaluation de l'impact de la limitation de la hausse du prix de l'électricité à 30 % en 2025 sur l'inflation et les factures d'électricité des ménages vulnérables, et prévoir une adaptation des aides sociales nécessaires pour intervenir en cas de développement ou tendance négatifs ;

– à se donner les moyens nécessaires pour assurer un accès équitable et abordable à l'électricité pour l'ensemble des citoyens et garantir la protection de tous les ménages, dont ceux investissant dans la transition énergétique, contre la hausse des prix de l'électricité ;

– à garantir une communication claire, transparente et proactive sur l'évolution des prix de l'électricité, afin d'informer les citoyens et de les préparer à toute variation éventuelle des tarifs ;

– à investir dans des batteries de stockage à grande capacité, stratégiquement positionnées, afin d'optimiser la gestion de la charge du réseau électrique, de réduire les coûts et d'augmenter la résilience du système énergétique ;

– à garantir que les subventions étatiques et investissements futurs dans le domaine de la transition énergétique soient orientés exclusivement vers la promotion des systèmes énergétiques intelligents, en veillant à l'utilisation efficace des technologies flexibles intelligentes au service du réseau (telles que les bornes de charge, pompes à chaleur, batteries, etc.) ;

– à analyser les différents instruments tarifaires et interventions réglementaires nécessaires pour garantir un prix d'électricité abordable et compétitif pour les ménages, tout en équilibrant les besoins d'investissements futurs pour la transition énergétique.

(s.) Joëlle Welfring, Djuna Bernard, Sven Clement, Georges Engel, Meris Sehovic, Sam Tanson, David Wagner.

Vote sur le renvoi de la motion 1 modifiée en commission

Wien d'accord ass, streckt d'Hand an d'Luucht.

Ass een dergéint?

Enthält ee sech?

Dann ass also déi reduzéiert Motioun an d'Kommissioun renvoyéiert.

(La motion 1 modifiée de Mme Joëlle Welfring est renvoyée à la Commission de l'Économie, des PME, de l'Énergie, de l'Espace et du Tourisme.)

Motion 2

An da komme mer zur Motioun 2 vun der Madamm Welfring. Do hëlt och d'Madamm Hartmann gär d'Wuert. Madamm Hartmann.

Mme Carole Hartmann (DP), rapportrice | Jo, merci, Här President. De Minister hat et a senger Intervention schonn indiquiert: D'Motioun wëllt am Fong an déi Richtung intervenéieren, dass och eppes gemaach gëtt par rapport zu de Betriber. An do ass et ganz kloer, dass, wéi gesot ginn ass, säit Juni 2024 déi kuerzfristeg autoriséiert Aide-d'Étaten elo net méi méiglech sinn. An duerfir géife mer aus deem Grond och proposéieren, dës Motioun hei net unzehuelen.

M. Claude Wiseler, Président | Merci, Madamm Hartmann. Dann huet den Här Fayot d'Wuert gefrot.

M. Franz Fayot (LSAP) | Jo, merci, Här President. Mir ënnerstëtzen déi Motioun hei, well mer effektiv och mengen, dass mer ganz gutt musse kucken, wat fir en Impact dat heiten op d'Betriber kritt. An ech muss soen, ech sinn awer e bëssen enttäuscht gewiescht iwwert déi Remark, déi de Minister elo éinescht gemaach huet a senger Interventioun. Här Minister, mir hunn ...

(Interruptions)

... an där leschter Legislatur vill zesummegeschafft am Sënn vun de Betriber, am Kader vun der Covidkris an och duerno vun deene successive Krisen, wou mer eis zesummen agesat hunn, y compris och bei den Energiepräisser, fir d'Betriber kompetitiv ze halen. An ech mengen, dass eng Rei Virgänger, och vu mir, vun der LSAP, déi Wirtschaftsminister waren, genee déi selwecht Politick gemaach hunn. Voilà, dofir hunn ech dat licht deplacéiert fonnt, fir esou eppes am Debat ze soen. Bon, dat ass da vläicht esou, wéi mer Politick maachen.

Mee op alle Fall fannen ech, dat heiten ass eng Motioun, déi mer ënnerstëtzen. Et geet och drëm, dass mer bei zukünftege Projeten, déi mer am Beräich vun der Elektrizitéit, vun der Energie iwwerhaupt, maachen, kucken, dass mer just nach dekarbonéiert Projete finanzéieren an eis och an deem Sënn asetzen um europäeschen Niveau.

M. Claude Wiseler, Président | Merci, Här Fayot. Sinn nach aner Wuertmeldungen do? Den Här Wagner.

M. David Wagner (déi Lénk) | Merci, Här President. Mir haten déi éischt Motioun, déi elo an eng Kommissioun geet, mat ënnerschriwwen. Déi heiten hu mer net mat ënnerschriwwen, well mer mat engem Tiret e puer Schwierigkeeten hunn, notament deem leschten Tiret, wou et drëms geet, dass ee soll analyséieren, ob een en „dispositif de régulation des prix de l'électricité pour les industries et les grandes entreprises“ soll virgesinn, „afin de limiter les hausses tarifaires“. Fir eis ass dat e bësse large a mir stellen eis d'Fro, ob een net awer och esou en Dispositif misst konditionéieren. An do feelen d'Konditiounen. Natierlech steet do „mise en place d'un dispositif“. Ech ginn dervun aus, dass dat vläicht Konditionementer net géif ausschléissen. U sech hätte mir léiwer gehat, dass déi heiten och an eng Kommissioun geet, well een dorwäert kéint diskutéieren. Bon, d'Autrice muss kucken, wéi se dat selwer gesäit. Mee en l'état actuel géife mer eis éischter enthalen.

M. Claude Wiseler, Président | Merci, Här Wagner. Dann ass nach den Här Keup, deen d'Wuert wëllt. Här Keup.

M. Fred Keup (ADR) | Jo, merci, Här President. Also, et kann ee jo och mol probéieren, bei esou enger Motioun wéi där heiter – déi natierlech och gutt kléngt, wou ee seet, et muss een d'Betriber ënnerstëtzen, wat mir jo och ënnerstëtzen – awer e bësse méi wäit ze denken. An et geet jo hei net nëmmen drëms, fir d'Betriber ze ënnerstëtzen, mee et geet och drëms, dass se eng Elektrifikatioun maachen. Dat heescht, dass een dann och ëmmer méi Elektresch wäert brauchen. Mir schwätzen hei vun eppes, wat immens, immens staark ass, immens vill Stroum wäert bedeiten an immens Käschte wäert engendréieren. Wann ee mol einfach bedenkt: De Stroum, deen d'Industrie hei zu Lëtzebuerg verbraucht, dat ass iwwer 50 % vum Stroum. An da brauch d'Industrie jo awer och Gas an aner Energiequellen. An déi si jo zum Beispill hei net erwänt. Do wier et awer och wichteg, fir d'Industrie an Europa an a Lëtzebuerg ze ënnerstëtzen, dass och déi aner Energiequelle géifen op engem nidderege Präis sinn, esou wéi se et och zum Beispill an Amerika sinn.

An et muss ee jo och bedenken, dass mir a Lëtzebuerg pro Joer 50 Terawattstunden Energie verbrauchen, also alles zusammen, Gas, Bensinn, Strom. An am Moment mécht de Strom 7 Terawattstunden aus. Dat heescht, wa mer elo wëllen am Elektreschen ëmmer méi kréien, da komme mer vu 7 op 10, op 15, op 20, ëmmer méi héich. An da muss ee jo och eng Quell hunn, wou déi Energie hierkënn. A wa mer an esou grouss Gréisstenuerdunge kommen, da geet och dat, wat hei ëmmer geplangt gëtt, déi alternativ Energie, Solar- a Wandenergie, eleng net méi duer.

Wann een also konsequent dat heite wëll duerchféieren, wat hei steet, d'Betriber allegueren op Elektresch ëmstellen, da brauch een och Elektrizitéitsquellen, déi deen Elektresch och liwweren, an och zu engem Präis, deen ee ka bezuelen. An déi Logik, déi vermessen ech hei scho säit enger gudder Zäit an der Chamber an eeben och hei an där Motioun. Duerfir kënne mer dat net matstëmmen.

M. Claude Wiseler, Président | Merci, Här Keup. An da géng ech der Madamm Welfring d'Wuert nach eng Kéier ginn.

Mme Joëlle Welfring (déi gréng) | Jo, merci. Merci och fir all Är Iwwerleeungen. Ech denken, déi hei Motioun ass awer an hirem Inhalt extreem wichteg. Och wann den TCTF ewechgefall ass, kënne mer awer elo net einfach opginn a soen: „Bon, et gëtt keen TCTF méi. Elo kënne mer eis och keng Gedanke méi maachen, wéi mer an Zukunft déi Elektrifikatioun an déi Dekarbonisatioun vun eisen Entreprises, déi mer awer mussen hikeréien, wëllen hikeréien a wat fir Moyenen et do iwwerhaapt an Zukunft géng ginn, fir dat kënnen hinze kréien.“ A méi steet jo eigentlech am leschten Tret net dran.

Kommt, mir iwwerleeën zesammen, wat fir en Dispositif ee sech misst ginn. A mir invitéieren d'Regierung natierlech, déi Iwwerleeungen och ze maachen an eis do vläicht Propositionen ze maachen, wéi dat an Zukunft kéint gehandhaabt ginn. An ech sinn der Meinung, dass et do och Piste gëtt. An do gëtt et jo och aner Länner an Europa, déi sech genau déi Gedanke maachen. An déi halen och net einfach op, just well et den TCTF net méi gëtt.

Dofir wär ech frou, wa mer awer deen Inhalt vun där heiter Motioun kéinte mat an d'Kommissioun huelen, well ech denken, dat hei ass zentral wichteg fir eis Betriber. Mir verlaange vun hinnen, dass se mat op de Wee gi vun der Transitioun. Da musse mer natierlech och kucken – vläicht och iwwert déi Aiden, et läit jo och am Moment e Gesetzesprojet vir –, fir d'Dekarbonisatioun méi geziilt ze ënnerstëtzen.

Mee vläicht geet dat net duer. Vläicht soll een awer kucken, ob et net nach aner Piste gëtt, wéi een dat heiten nach kéint zousätzlech ënnerstëtzen. Well et ass fir eis alleguer wichteg, dass mer déi Betriber hunn, déi mer hei zu Lëtzebuerg an der Zukunft brauchen. Och hierstellend Betriber wäerte mer an Zukunft hei zu Lëtzebuerg brauchen. Dat huet eis de Covid kloer gewisen. Da musse mer och kucken, wéi mer déi dote kënnen ënnerstëtzen, mat méi, wéi mer am Moment schon um Dësch leien hunn. Dat ass am Fong dat, wat ech heimadder just wollt froen: ob mer dat kéinten zesammen an enger Kommissioun diskutieren.

Merci.

M. Claude Wiseler, Président | Dat heescht, wann ech elo richteg verstanen hunn – ech interpretéieren –, sidd Dir d'accord mat der Proposition vum Här Wagner, fir se an eng Kommissioun ze verweisen.

Vote sur le renvoi de la motion 2 en commission

An dann ass elo meng éischt Tache, fir hei d'Chamber ze froen, ob se d'accord ass, et an d'Kommissioun ze

verweisen, oder net. An ech géng och proposéieren, dass mer iwwert dat mat Handophiewen ofstëmmen.

Deen, deen d'accord ass, dee soll elo d'Hand an d'Luucht hiewen. Ech soen Iech Merci.

Wien ass dergéint?

Wien enthält sech?

Da stellen ech domat fest, dass eng Majoritéit do ass, déi net derfir ass, fir se an d'Kommissioun ze verweisen.

Da stellen ech déi Motioun hei zum Vott. Dee Vott gëtt natierlech elektronesch gemaach.

Vote sur la motion 2

De Vott fänkt un. De Quorum ass erreicht. Vote par procuration. Nach e klengen Effort. Kuckt nach eng Kéier no, ob kee méi op Ärer Lëscht ass. Ok, da schléissen ech de Vott of.

D'Resultat vum Vott ass: Jo: 18, Nee: 39, Abstentionen: 2. Dës Motioun ass also ofgeleent mat 39 Nee-Stëmme géint 18 Jo-Stëmme bei 2 Abstentionen.

Ont voté oui : M. Dan Biancalana (par M. Georges Engel), Mmes Taina Bofferding, Liz Braz, Francine Closener, M. Yves Cruchten, Mme Claire Delcourt, MM. Mars Di Bartolomeo, Georges Engel, Franz Fayot, Claude Haagen, Mme Paulette Lenert et M. Ben Polidori ;

Mme Djuna Bernard, M. Meris Sehovic (par Mme Djuna Bernard), Mmes Sam Tanson et Joëlle Welfring ;

MM. Sven Clement et Marc Goergen.

Ont voté non : Mmes Diane Aehm, Nancy Arendt épouse Kemp, MM. Maurice Bauer, Jeff Boonen, Alex Donnersbach, Félix Eischen, Paul Galles, Mme Françoise Kemp, MM. Marc Lies (par M. Jeff Boonen), Ricardo Marques (par Mme Stéphanie Weydert), Mmes Octavie Modert, Nathalie Morgenthaler, MM. Laurent Mosar, Jean-Paul Schaaf (par Mme Nathalie Morgenthaler), Marc Spautz, Charles Weiler, Mme Stéphanie Weydert, MM. Claude Wiseler, Michel Wolter (par Mme Nancy Arendt épouse Kemp) et Laurent Zeimet ;

Mme Barbara Agostino, MM. Guy Arendt, André Bauler, Gilles Baum, Mmes Simone Beissel, Corinne Cahen (par M. Fernand Etgen), MM. Luc Emering, Fernand Etgen, Patrick Goldschmidt (par Mme Barbara Agostino), Gusti Graas, Mmes Carole Hartmann, Mandy Minella, Lydie Polfer (par M. Gusti Graas) et M. Gérard Schockmel ;

MM. Jeff Engelen, Dan Hardy, Fred Keup, Mme Alexandra Schoos et M. Tom Weidig.

Se sont abstenus : MM. Marc Baum et David Wagner.

12. 8423 – Projet de loi portant modification de la loi modifiée du 16 décembre 2022 autorisant l'État à participer au financement du surcoût des produits énergétiques et d'électricité supporté par les centres intégrés pour personnes âgées, maisons de soins, logements encadrés pour personnes âgées et centres psycho-gériatriques agréés en vertu de la loi modifiée du 8 septembre 1998 réglant les relations entre l'État et les organismes œuvrant dans les domaines social, familial et thérapeutique

An da géife mer zum nächste Punkt vun eisem Ordre du jour kommen. Dat ass de Projet de loi 8423 iwwert d'Verlängerung vu Bähillefe fir Strukturen fir eeler Leit, déi vun der Hausse vun den Energiepräisser be-traff sinn. Och hei ass d'Riedezäit nom Basismodell

festgeluecht, déi selwecht wéi virdrun. Schonn ageschriwwen sinn: d'Madamm Nathalie Morgenthaler, d'Madamm Claire Delcourt, den Här Dan Hardy, d'Madamm Djuna Bernard, den Här Marc Goergen an den Här Marc Baum. An d'Wuert huet elo d'Rapportrice, déi honorabel Madamm Mandy Minella. Madamm Minella.

Rapport de la Commission de la Famille, des Solidarités, du Vivre ensemble, de l'Accueil, de l'Égalité des genres et de la Diversité

Mme Mandy Minella (DP), rapportrice | Här Präsident, léif Kollegeinnen a Kollegen, am September 2022 gouf am Kader vum Solidaritéitspak...

(Brouhaha et coups de cloche de la présidence)

M. Claude Wiseler, Président | E weineg méi Rou wannehgelift! Merci.

Mme Mandy Minella (DP), rapportrice | Am September 2022 gouf am Kader vum Solidaritéitspak 2.0, deen tëschent der Regierung, der Union des entreprises luxembourgeoises an de Gewerkschaften ausgehandelt gouf, decidéiert, dass de Staat sech finanziell un den Energiekäschte fir Alters- a Fleegeheemer bedeelege géif, dëst, well d'Alters- an d'Fleegestrukturen opgrond vun den héijen Energiekäschte soss warscheinlech gezwonge gewiescht wieren, hir Pensionspräisser no uewen unzepassen.

Déi staatlech Participatioun un den Energiepräisser huet also virop derzou gedéngt, d'Leit an dese Strukturen viru Präiserhéijungen ze schützen. Eng Alters- a Fleegestruktur, déi des finanziell Hëllef erhält, verflucht sech am Géigenzuch dann och derzou, hir Hebergementspräisser net ze erhéien.

Mam Solidaritéitspak 3.0 gouf déi staatlech Ënnerstëtzung bis den 31. Dezember 2024 verlängert. Well des Mesür dëst Joer elo ausgelaf wier, d'Situatioun um Energiemaart sech awer nach net gänzlich entspaant huet, gesäit de Gesetzesprojet 8423 vir, des finanziell Bedeelegung eng weider Kéier bis den 31. Dezember 2025 ze verlängeren.

Esou gëtt deene Strukturen, déi vun enger finanzieller Ënnerstëtzung profitéieren wëllen, weiderhin des Optioun ugebueden. Et ass keng Obligatioun, des Hëllef an Usproch ze huelen. All Gestionnaire vun enger Alters- oder Fleegestruktur muss evaluéieren, ob et fir si opportoun ass, eng Demande ze stellen.

D'Manden, fir déi finanziell Participatioun ze kréien, musse vun den Alters- a Fleegestrukturen fir d'Méint Januar bis Juni 2024 bis den 31. Januar 2025 agereecht ginn, fir d'Méint Juli bis Dezember 2024 bis den 30. Abrëll 2025.

Här Präsident, nieft dem Avis vum Staatsrot goufen zu deem Projet de loi nach fënnf weider Avisen age-recht: vun der Commission nationale pour la protection des données, déi awer keng Punkten, wat den Datschutz ugeet, feststelle konnt, vun der COPAS, der Chambre de Commerce, der Chambre des Fonctionnaires et Employés publics an der Chambre des Salariés.

Déi verschidde Chamberen an och d'COPAS approvieren de Projet de loi. D'Chambre de Commerce an d'COPAS hätte sech gewünscht, dass d'Attributioun vun der finanzieller Hëllef net weiderhin doru gekoppelt wier, dass d'Hebergementspräisser net erhéicht dierfe ginn.

Ech soen all de Kollegen aus der Familljekommissioun Merci fir déi gutt Zesummenaarbecht a ginn den Accord vu menger Fraktioun.

Plusieurs voix | Très bien!

M. Claude Wiseler, Président | Villmools merci och fir Äre schrëftlechen a fir Äre mündlechen Rapport.